



UNIVERSITÄTS-  
BIBLIOTHEK  
PADERBORN

**Chronicon Monasterii Bödecensis Ordinis Canonic. Regul.  
S. Augustini in Diœcesi Paderbornensi**

**Probus, Johannes**

**Monachij, 1731**

**VD18 12260568**

Caput IV. De Patientia & Charitate prædicti Prioris.

---

[urn:nbn:de:hbz:466:1-64645](https://nbn-resolving.de/urn:nbn:de:hbz:466:1-64645)

fedem tollens igni inter alios se admovit, & silentio ibidem obser-vato, cùm calefactus fuit, sicut agnus mansuetus cum morum gra-vitate inde discessit.

## C A P U T III.

\*rigorosa. *De \* Strenua Vita prædicti Prioris circa semetipsum.*

**F**uit præterea prædictus Prior satis strenuus in semetipsum; nam in angulo Ecclesiæ supra nudum pavementum tantum culcitram suppositâ nocturnis temporibus requievit. Et quodam tem-pore, dum quelidam clericum hospitio reciperet, ac ex pau-pertate lecto careret, quo eum per noctem quiescere faceret, mi-sericordiâ motus ipsum ad suum stratum ire fecit, ipse verò dum cubitum ire vellet, nesciens quò se verteret ad quietem, noctem (ut reor) magnâ ex parte insomnem duxit. Prædictus Prior cùm magnum frigus ex vestimentorum defectu sustineret, & hoc Domi-no Guntramno cuidam devoto sacerdoti oppidi Gesèke indicatum fuit, ille æquo animo hoc ferre non valens (maximè cùm idem Prior tener corpore fuit) pellicium, quo frigus depelleret, eidem miserat, quo dum ille parvo tempore utebatur, uni de sibi subjectis illud ad induendum ministravit; hoc peracto idem Prior tam validum frigus peressus est, ut omnia ejus corporis membra tremorem sustinerent, quod dum quidam Conversus nomine Henricus Krulenberg cerne-ret, compassione motus in lacrymas solvebatur.

## C A P U T IV.

*De Patientia & Charitate prædicti Prioris.*

**P**atientia insuper plenus extitit atque charitate. Nam quodam tempore, ipso Paderbornæ pro causis sui Monasterij existente supervenit Subprior suus Daniel nomine nuntians ei, quòd Otto Comes de Woldige omnes Monasterij oves & boves armatâ manu abstulisset, ille caput inclinans humili voce ait in hæc verba: *Manducant Spiritum sanctum in his pecoribus nostris, que nobis abstulerunt; velut bono-*

bonorum rapinam cum gaudio susciperet. Contigit etiam quodam tempore, quod vestiarus Monasterij nomine Remboldus natione Holandus prae paupertate ejusdem Monasterij citò dare non potuit caligas Magistro Agriculturæ Joanni videlicet Saxoni, hoc audiens humilis Prior caligas suas & inferiorem suam tunicam in unum convolvens accessit cum illis prædicti Joannis Comeram, & lectum ejus studio<sup>m</sup> ernens, ea, quæ apportaverat, vestimenta, eidem Joanni pro sua necessitate ibidem reliquit. Aliâ vice, quando idem Prior cum memorato Joanne laboravit, videreturque eundem defectum habere in suis calceamentis, mox calceos suos exuens, quia paupertatis amator erat, eos collaboranti ministravit. Tempore etiam, quo gravis fames Paderbornensem Dicecesin oppresserat, prædictus Prior de pauperculis suis seminibus (quibus se suosque fratres quoad victum sustentavit) non solùm pauperibus in multitudine accrescentibus largâ manu ministravit, sed etiam victu, suis defectum sustentibus charitativè subvenit. Ego vero (scilicet Joannes Probus) qui propria semina sub custodiâ servabam timens quod eadem statim finem habitura essent, sibi eadem mensurabam, ut saltem scirem, quando eorum finis appropinquaret, hoc dum Prior recognovit, præcepit ille, ne semina de cætero mensurarem: Et ecce non parva procuratio dignissimi Procuratoris B. MEINULPHI in suum proprium Monasterium! nam prædicta semina, licet satis modica extiterint, tamen sancti MEINULPHI intercessione apud DEUM ita in regale augmentum sunt producta, ut toto famis tempore non solùm Monasterio sufficerent, sed & pauperibus ex his, ut præfertur, largiter fuerit ministratum. Audi nunc, quid gratiæ, quidque recompensationis prædictos Regulares ex his pietatis operibus sequebatur; Pius namque Dominus, in cuius nomine idem Regulares de sua paupertate pauperibus abundanter ministrabant, ut eisdem effectualliter notum ficeret id, quod in sancto suo loquitur Evangelio: *Date, & dabitur Vobis*, contigit circa idem tempus, quo prædictas fecerant eleemosynas, eos ultra mille & quingentos florenos ad refectionem sui Monasterij à diversis hominibus sibi datos recipere; & ita ad honorem DEI factum fuit, ut, quia fratrem, qui *date* dicitur, opera pietatis permisérunt exercere, idcirco coæternus ejus frater, qui *dabitur* vocatur, cum abundantí benedictione fuerit introductus.

Indicium

Indicium quoque charitatis in prædicto Priore tale fuit, qui cùm in reformatione Monasterii B. Meinulphi ultra vires suas gravabatur, tamen ut majorem fructum pro lucrandis animabus ficeret, ad petitionem cujusdam Institoris nomine Henrici de Weke onus ad novum Monasterium construendum prope oppidum Attendossen Coloniensis Dicecessis, tanquam hoc ipsum a Domino DEO sibi nuntiatum foret, gratanter acceptans, fratres illuc ad prædictum Monasterium incipiendum destinabat. Præfatus itaque Prior utriusque loci gravem curam insuper & labores plurimos sine cessatione gerens, quodam tempore ad præfatos emissos suos Fratres, ut singula circa illos, quæ necessitatis erant, ordinaret, ire properabat; ad quos dum veniret, & multitudinem decurrentium aquarum ad idem Monasterium hæreditariō jure pertinentium ibidem cerneret, jubet, ut Fratres irent ad piscandum, qui dum injuncto operi fortius insisterent, accidit, ut unus e Fratribus nomine Hermannus Cassel minùs cautè transitum in aquis servans laberetur in profundum, & dum à cunctis de vita ejus fuerat desperatum, festinaverunt tamen eum de profundis trahere, ut saltem defunctorum commendatione super eum factâ communi traderent sepulturæ; unus itaque ex illis longo assumpto baculo, cui ferreus uncus infixus erat, ad locum, quo prædictum mortuum jacere aestimaverat, tactum faciens, nałum mortui Fratris vulneravit, & tandem lacineæ inferioris tuniceæ, qua submersus indutus erat, uncum baculi casualiter reperit introductum, siveque mortuum magno cum mærore ad terram traxit. Prior verò mortuum videns Fratrem, ac se considerans ejus mortis fore causam, eò quòd eundem piscari tunc jubebat, & ob id se se etiam irregularitatem incurrisse multùm dolens, omnipotentem DEUM, ut propter B. MEINULPHI merita super defuncto Fratre sibi consolationem tribuere dignaretur, in clamabat, & ecce! cujus vita ablata fuit, dum per viam versus Monasterium velut quoddam morticinum portaretur, ad portantes loquens in vitam pristinam est reductus. Post hæc, dum refectionis horâ de pulmentario, quod ceperant, manducare vellent, præfatus Prior, licet magnam consolationem receperit de Fratre suo, qui revixit, tamen de hujusmodi piscibus edere recusans ait: se ex his refocillamentum nolle suscipere, quòd in tali mortis periculo fuerant acquisiti, peroptime noscens,

noscens, quid sanctus David aliquando fecerit, qui cum aqua, quam tres in populo fortiores de cisterna Bethlehemitica sub grandi periculo sibi apportaverant, sitim suam extinguere non consensit. Circa præfatum Fratrem Hermannum & aliud satis mirabile contingebat: quodam namque tempore incaute super quoddam præfati Monasterij transiens ædificium, de superioribus supra lignorum struem horribilem lapsum fecit, & Dominus DEUS famulum suum per intercessionem B. MEINULPHI, cuius Monasterij Conreformator extitit, protegens & conservans fuit, ut nullum læsionis signum ex prædicto ejus repantino lapsu in eo repertum sit; nec ipse aliquam sensit læsionem, sed surgens ad pristina & consueta sua opera latus rediit peragenda.

## C A P U T V.

*De Pace & quiete prædicti Prioris, & quod idcirco operæ, quantum potuit, se suosque substraxit.*

**I**nterea prænominatus Prior vir pacis fuerat singularis; semper enim ejus verba modesta erant, & pacem resonantia, & si quempiam de sibi subjectis in aliquam mentis disturbancem ruisse novisset, noctis sopori penitus se non dedisset, nisi turbatus subiectus pacem cordis recepisset. Et sicut idem Prior semper pacificus erat, ita & moribus satis compositus fuit, ac quietus; nam Fratribus suis dicere solitus erat in hæc verba: *Frates propter exercenda agricultura opera non venimus in hunc locum, sed ut destruetum Monasterium reformatos Divinum Cultum augeamus;* ad hoc enim magis erat inclinatus, ut unusquisque panem suum in quiete cellæ operaretur, quam in tumultibus fori ad virtuosæ vitæ periculum se quovis modo exponeret, ob quam causam agriculturæ opus, quod distractionis materiam affere solet, difficile sibi ad peragendum fuit, & nisi necessitate compulsus, illud à suis exerceri non permisisset; Cum enim agriculturæ operi insisteretur per suos, summe cavebat Prior, ne decimalis terra vomere scinderetur, noluit enim alienos Fratrum sudoribus se quoquo modō quæstuare; propter quod etiam quosdam agros decimales (licet eorum proprietas Monasterio suo maneret) sylvestrē consensit

C

sensit